

СТАНДАРТЧИЛАЛ, ХЭМЖИЛ ЗҮЙН ГАЗРЫН ДАРГЫН ТУШААЛ

2009 оны 12 дугаар сарын 31-ний өдөр

Улаанбаатар хот

Дугаар 335

“ХЭМЖИХ ХЭРЭГСЛИЙН ЗАГВАРЫГ ТУРШИХ, БАТЛАХ ЖУРАМ”-ЫГ ШИНЭЧЛЭН БАТЛАХ ТУХАЙ

Монгол Улсын “Хэмжлийн нэгдмэл байдлыг хангах тухай” хуулийн 8 дугаар зүйлийн 6 дугаар заалт, Стандартчилал, хэмжих зүйн газрын даргын зөвлөлийн 2009 оны 12 дугаар сарын 18-ныөдрийн хурлын тэмдэглэлийг үндэслэн ТУШААХ нь:

Нэг. “Хэмжих хэрэгслийн загварыг турших, батлах журам”-ыг 1 дүгээр хавсралтаар шинэчлэн баталсугай.

Хоёр. Энэ тушаал гарсантай холбогдуулан 2 дугаар хавсралтад дурьдсан хэмжих хэрэгслийн загварын гэрчилгээг хүчинтэйд тооцон, 10 жилээр олгох, 3 дугаар хавсралтад дурьдсан хөдөлгөөний параметрийн хэмжих хэрэгслийг улсын бүртгэлээс хасахыг Хэмжил зүйн хэлтэс /Г.Зоригоо/-т даалгасугай.

Гурав. Хэмжих хэрэгслийн хаяг, шошгийн техникийн зохицуулалтыг 2010 оны 2 дугаар улиралд багтаан боловсруулж, холбогдох журмын дагуу батлуулж, мөрдүүлэхийг Стандартчилал, техникийн зохицуулалтын хэлтэс /Б.Гэрэл/, Хэмжил зүйн хэлтэс /Г.Зоригоо/-т тус тус даалгасугай.

Дөрөв. Энэхүү шийдвэр батлагдсантай холбогдуулан СХҮТ-ийн даргын 2006 оны 378 тоот тушаалыг хүчингүйд тооцсугай.

Тав. “Хэмжих хэрэгслийн загварыг турших, батлах журам”-д өөрчлөлт орсонтой холбогдуулан Засгийн газрын 2003 оны 8 дугаар тогтоолын дагуу Улсын нэгдсэн бүртгэлд бүртгүүлэхийг Стратегийн удирдлага, төрийн захиргааны хэлтэс /О.Отгонсайхан/-т үүрэг болгосугай.

ДАРГА Г.ГАНТӨМӨР

Улсын бүртгэлд 2010 оны 02 дугаар сарын
08-ны өдрийн 3111 дугаарт бүртгэсэн.